

Ո Ր Ս

Եռան զեռան որպք . առ հրաւերն աղմկեալսն թեւակոխէ
 Երիտասարդ քաջ 'ի լեւիննս , զըմբաղիչ գոռ հոծ մայրեաց
 Ձառոյդ մարմինն 'ի հողմ' և 'ի ցուրտ զօրացուցեալ իւր անխընայ ,
 Բեռնն նըմին հաճոյական կայծակնացայտըն գաւազան .
 Բազուկն որոտընդոստ զէն անվըրէպ . և արկանէ
 Առ ոտիւքն ընդ օդս յերեք ըզվայրի ջոկս հազ թեւազգեաց .
 Քաղցր է նըմին մըրցիլ յընթացս ընդ այծեմունս և ընդ խարբուզս ,
 Ոյց հետահաս՝ հրատարափ վառ արճըճոյն օժանդակաւ
 Հարու տապաստ . քաղցըր հընչէ նըմին գոչիւն եղջեր փողոյ
 Եւ կախի 'ի հետոց հաւատարիմ իւր բարակին ,
 Թէ կացցէ կամ վազեցցէ հառաչակուլ և վարանեալ
 Ի հոտոտել կամ 'ի գիտել : Եւ այսոքիկ իցեն սըրտիդ
 Քո յաղթանակը , խուժ պատանիդ . համայն և այսպէս ինձ հաճոյ
 Ճակատուդ քիրտն , և սիրտդ հաճոյ , սիրտ գոռութեամբ գոնեալ չըքնաղ ,
 Ի հարկէն նախ ծընաւ որս և արուեստիւ ապա աճեաց
 Ի մեծ վայելս , և պատուեցաւ փառօք վաղ իսկ 'ի շուք չըքնաղ ,
 Արժանափառ՝ թէ ոչ այլ , հերակլիսեաննն պարծանաց .
 Ձի ըզմիտս հրաբորբօք վարեալ 'ի կիրթ վայրագօրէն
 Ընդ անտառս հետաւարել , կամ յորջա 'ի ներքըս յարձակեալ
 Հարկանել վարազ և ցուլըս վայրենիս և արջ և գայլ ,
 Դըժընդակն Արիսի լինի կըրկէս օգտամասնոյց ,
 Եւ նորընծայ դիւցազանց առհաւատչեայ առ հայրենիս :
 Որ ըզջանց՝ երիվարաց վարէ մըրցող ըզգուճարտակս ,
 Շամիրօք և նիզակօք ըզյարձակումն և զապաւէն
 Նըկատեալ՝ և դիտէ ըզժամանակ և ըզտեղիս :
 Ահա գազանն է յանցանել , ահա խուժեն ամենեքին .
 Ի ձայն զըւարթ յաղթութեան 'ի թաքթաքուր թաքըստոցաց
 Դիմեն հովիւք և զմահացեալ գազանն հային զարհուրանօք .
 Եւ մի ոմն ըզճիրանունսն , ըզժանիսն այլ որ ցուցանէ
 Մատնանիչ , և ընդ միմեանս արկանեն ճառ ակընկառոյցք :
 Իսկ խաչիւք և արջառք 'ի դիւր ընդ դաշտըս զեգերին
 Եւ հըրճուին բերկրանօք 'ի հանգըստեան գոմք և մշտուրք :
 Մեղմագոյն իւր ճիգն և խաղաղիկ իւր ձեռնարկս՝
 Հաւորսն խորագէտ՝ որոճելով ընդ անձըն իւր ,
 Թողու զմահինս յառաջ քան զայգն . առնու դիւրե զուսպ բաճկոնակ՝
 Վանդակօք և ոստովք և 'ի բազմազգի կահ և կազմած
 Բեռնաւոր ընթանայ երազափողթ յիւր ճանապարհ .
 Նովաւ մած ցըլպովք վարմիւք զինի 'ի ցանց մէն մի տունկ ծառ ,
 Եւ լարեն գոգցես մէն մի դաշարիք հաղբ և դարան .
 Անդուստ ըզհետ ցանգապատի կամ 'ի ներքուստ աշտարակին
 Ի խարչափ դաշնակաւոր սաղարդախիտ կաղամախեաց

Ըզհրաւիրակն հաւ շարժելով առ խայծ կոչէ զայդուն թրուռնս .
 կասի թրուռնիկըն միամիտ ոստ 'ի յոստոյ կայտուեալ 'ի սոխչ,
 ի թօթափել զուլն և ըզլանջ սամսարելով թեկն 'ի թեկին ,
 եւ այն ինչ թեւածեալ ոլորտապտոյտ առ 'ի կրտցել
 Հատապարտուղ կամ որդ ձրգէ զկրտուցն որկորաժեալ
 Բմբրունի մած յանկարծ , աւանդ , և կամ 'ի վարմնն թակարդի .
 Հէքն 'ի գուր ջանայ ճրգնի և շրշընջէ ահիւ սարսուեալ ,
 Ձի իսկոյն 'ի զանխուլ հաւալոցէն ոստչի 'ի դուրս
 Շինականըն վայրագ , և զօգնութիւն հայցողըն հէք
 Առնէ կենազըրաւ բրթամատիւն անողորմուկ .
 Եղկելի գուք թրուռնիկք զ 'ի խիտ բաղդէն փըրկէ ըզձեզ
 Ոչ անմեղութիւն և ոչ ինքնին գեղ վայելուչ :
 Ըզբասանք դըժնեղակ և վայրենի դիւտ արուեստից .
 Գաղցրասցին ինձ դայլայիկքդ և հովանի սըրբանուէր
 Անտառին՝ որ ձեզ լինի ասպընջական . և սարգենին՝
 իցիւ , որով ըզհետս իմ Երածոս պըճնազարդէր ,
 ի նորին Արամազդայ բարկութենէն թէ գերծուսցէ :
 Զըկնորսութիւն քաղցր ևս է ինձ , և անկանի մըտացս 'ի յուշ
 Ձի ուր ծողն Ադրիական հարկս հարկանէ բիւրուք կըզգեօք
 Գեղանի թագուհւոյն ալեաց , 'ի միտս իմ անկանի
 Ձի դեգերել նաւուց ըզցայգն ընդ ծովալիճն հողմախաղաղ
 Այն ձիք ուռկանքն առ 'ի քարշ , և կողովոց գործ հնարագէտ ,
 Եւ այն համըր ժողովոյն գաղտնածածուկ արուեստից զիւտ
 Էին սովոր ինձ ազդել զիւր իմն հեշտանրս քաղցրութեան ,
 Եւ ախորժ հաճութիւն յիս խըլըրտէր , մինչ լըսէի
 Ըզձըկնորսս և ըզկանայսն ողորմ՝ չափով և փոխ 'ի փոխ
 Չայնիւ երգել զէրմինիա 'ի ծառատունկս հովանաւորս ,
 Ձոր կըրկնէին 'ի դարձուած շառաշաձայն ողբերգութեամբ
 Ինքնին իսկ ծովափունք և Ալկիոն ողորմագուկ .
 Մինչ կայտիւ ըսթափ 'ի խօսս և քընըչանօք իմն աղուաբան
 Հեշտ ըզճրգունսն առնէին արկեալ 'ի խաբս ըզխոնջութիւն :
 Սիրային յիշատակք . մերթ լուսնակին ինձ ընդ ճակատս
 Հարկանէր վառ ճառագայթ , և մերթ հարեալ ամօքարար
 Սըղոսի զովաշունչ ածէր հրապոյրս իմն ըզգայնոցս .
 Եւ ևս է զի երեսօք ըզմայլական խորհըրդասոյղ
 Հայէի յերկին ւ 'ի ծով , և սիրտ անդորր հըրճուէր 'ի լանջս ,
 Եւ արբուն տիոց հասակ յիւր 'ի ծաղկունսն երկնազարդէր :
 Այժ , քաղցր էք յիշատակք նախկին ամաց երջանկաւետ :

ՊԱՐՊԻԷՐԻ.